

**PROBLEMA: SMAC TA EXIGI  
Y STICHTING MUSICA TA  
NENGA ROTUNDAMENTE PA  
PAGA 25 MIL PA FESTIVAL DI  
CALYPSO & SOCA**



**WWW.SOLODIPUEBLO.COM**



**SOLODIPUEBLO@GMAIL.COM**

# TRUCK CU HYDROGEN PEROXIDE 50% A EXPLOTA RIBA TERENO DI REFINERIA; TIN 3 HERIDO



## 10 DETENCION A CAY PA CU E TIK TOK CHALLENGE DI HORTA AUTO KIA

DOÑONAN DI AUTO KIA MODELO RIO  
PONE EXTRA ATENCION





# Manera tur aña

## TEMPORADA DI INFLUENZA TA ACTIVO ATROBE

10.01.2024. Rond mundo y tambe aki na Aruba Influenza tipo A ta ocasionando preocupacion bou di nos poblacion. Riba medionan di comunicacion por a tuma nota di algun ciudadanonan preocupa vociferando cu nan ta presenciando un malestar pisa y pa comunidad cuida. For di Seccion di Epidemiologie di DVG encarga pa colecta, registra y analisa datos di enfermedad circulando riba nos isla, a ricibi informacion for di dokternan di cas, dr Horacio Oduber Hospital y laboratorio (priva) cu ta señala lo siguiente:

- Desde 26 Nov 2023 te cu 7 Januari 2024 un aumento den caso nan confirma di Influenza A a ser registra.

- Den e ultimo siman nan di 2023 y e prome siman di 2024: tin un promedio di 21 caso confirma pa siman, cual ta un promedio di 3 caso pa dia.

- E categoria di edad mas afecta pa e Influenza A ta 45-64 aña (26.8%) y 65+ aña (37%).

- Informacion ricibi di dokter nan di cas tambe ta muestra un aumento den sintomanan respiratorio durante e mesun temporada ariba menciona.

For di dr Horacio Oduber Hospital tambe a ricibi informacion cu un promedio di 10% di nan pashentnan ingresa den hospital riba diferente piso ta pa motibo di Influenza A.

Sintomanan registra ta:

- Curpa kibra
- Tos
- Dolor di cabez
- Dolor di musculo y

join

- Dolor di garganta
- Nanishi ta core
- Keintura

Hunto cu e casonan di Influenza A tambe tin mas virus cu ta circulando y ta duna sintomanan respiratorio manera COVID, Rhinovirus, Adenovirus y otro typonan di virus. E virus responsabel pa gran mayoria di malestar bou di nos poblacion ta Influenza A na e momentonan aki. Pa por proteha bo mes di Influenza DVG tin vacuna di Influenza completamente gratis pa e grupo di riesgo cu ta ensera adulto mayor di 60 aña y ciudadanonan cu un of otro malesa cronico of un enfermedad cu ta afecta nan sistema inmunologico. Pa es cu no ta cay bou di e grupo di riesgo pero ta desea e vacuna, por cumpra esaki pa afl 20,- na Departamento di Malesanan Infeccioso.

Pa proteha bo mes y otronan di Influenza A, DVG ta sigui conseha comunidad pa practica e medidanan di higiena cu ta ensera.

- Laba man frecuentemente

- Evita contacto cu hende malo

- Si bo ta malo evita bay den publico, keda cas y "ziek uit"

- Usa tapa boca pa proteha bo mes y otronan

- Mantene un alimento saludabel y bebe suficiente liquido (awa, thee) pa mantene bo mes hidratata

- Haci movecion pa mantene un bon condition

Si bo persona ta malo y ta presencia problema respiratorio, tuma contacto cu bo dokter di cas pa sigui



monitor bo salud.

Departamento di Salud Publico ta sigui monitor pa virusnan cu ta circula riba nos isla pa mantene comunidad informa y pa

por preveni.

Pa mas informacion like nos Facebook page Directie Volksgezondheid DVG Aruba, Follow nos riba Instagram directie\_

volksgezondheid\_aruba,

subi nos website [www.dvg.aw](http://www.dvg.aw), yama nos na 5224200 of mail nos na [servicio@dvg.aw](mailto:servicio@dvg.aw)



Chicken alfredo pasta  
 Steak den mushroom sauce  
 Mochi pisca  
 Chicken breast den mushroom sauce  
 Porkchop den ciboyo  
 Balchi pisca  
 \_MiniBOX\_ 10 florin  
 Balchi pisca  
 chicken alfredo pasta



# TRUCK CU HYDROGEN PEROXIDE 50% A EXPLOTA RIBA TERENO DI REFINERIA; TIN 3 HERIDO

\*\* photo circulando via wasap

Update: Diaranson mainta 10.15 comunidad di San Nicolas a sinti un explosion duro, cual a bini di e tereno di refineria, cual a tembla varios lugar den cercania. Polis, Bombero y Ambulans a acudi na e sitio.

Ta trata aki di un truck cu tanki di azeta riba dje cu a explota y tin 3 persona herida.

Por compronde cu e truck aki ta wordo usa pa hasi limpieza di tankinan.

## Truck tabata riba trabao:

E compania a haña un work order pa bay hasi aprox. 8 pa 10 bari di 1000 liter (55 gallons) bashi. E barinan aki ta restante di varios productonan petro quimico di aña 2011. Den un of mas di e barinan aki nan contenido tabata Hydrogen Peroxide 50%. E operadornan di e truck

no tawata na altura di e presencia di e chemico Hydrogene Peroxide 50% y e warehouse manager lo por a underestimate e efecto di esaki ora cu e mescla cu otro quimiconan. Door di esey e explosion y resultadonan conoce.

Pues tur cos a draai rond di un mescla cu e producto hydrogen peroxide 50% cual aparentemente mester a reacciona cu un tiki producto cu a keda den e tanki di truck desde ayera.

Hydrogen peroxide 50% E peróxido di hidrógeno di 50% ta wordo usa den diferente aplicacion industrial, manera como blanqueador, desinfectante, y como oxidante den procesos quimico. Tambe e ta wordo usa den tratamiento di awa y den fabricación di producto químico.

Ta esencial sigui e precaucionnan di seguridad ora di traha cu e



concentración aki, debi na su propiedadnan corrosivo y oxidante.

Por compronde cu no tin candela na e sitio di incidente.

Grounding di truck;

Por compronde cu e hydrogen peroxide lo a mescla cu un producto residu (restante) den e tanki, pero tambe por

compronde cu ora di mescla chemicals, mester ground e truck, y den e caso lo por ta posibel cu no a haci e grounding di e truck. Un investigacion mester determina cu exactitud loke a sosode.

Un di e heridonan ta di arededor di 40 aña y tin dolor na nek, pecho y brasa.....E otro di mas o menos di 30 aña y tin un

sla na su cara y tin hopi dolor den pecho.

Un 3cer victima tabata na e sitio unda trabaonan tabata wordo haci pa cual dor di e explosion, algo a bin cay riba dje.

Condicion: nos a compronde cu un victima ta hopi grave, un ta grave y un ta leve herida.

## MINISTER ENDY CROES TA DESEA KAYLEE – SUE DANIES HOPI EXITO DEN SU PROXIMO COMPETENCIANAN INTERNACIONAL

**Kaylee – Sue ta e prome atleta hoben Arubiano cu lo competi contra e mihonan di mundo den e campeonato mundial di powerlifting.**

: Diamars mainta, Minister Endy Croes a ricibi bishita di e hoben atleta Kaylee – Sue Danies. Kaylee – Sue ta di vacacion na Aruba y pronto lo regresa Groningen, Hulanda pa finalisa su estudio. Tambe, Kaylee – Sue ta practica e disciplina di powerlifting. Recientemente, Kaylee – Sue a competi den e competencia internacional di powerlifting Benelux Cup. Aki Kaylee – Sue a konkista e titulo Best Female Lifter den e categoria 62.6 kg. Kaylee- Sue a logra haci 9/9 lifts. Esaki ta significa cu Kaylee – Sue

a logra tur su intentonan. Cu esaki Kaylee- Sue a logra clasifica pa World Classic Open Powerlifting Championship y European Open Classic Powerlifting Championship. Kaylee – Sue ta e prome atleta hoben Arubiano cu lo competi contra e mihonan di mundo den e campeonato di powerlifting. Kaylee - Sue ta den ful preparacion pa e dos competencianan grandi aki. Durante e encuentro, Kaylee- Sue a conta mandatario di Deporte di su preparacion, entrenamiento y nutricion pa e proximo

competencia internacional.

Durante e bishita na Bestuurskantoor, Minister Endy Croes a entrega Kaylee – Sue un medaya como muestra di admiracion pa su logro y su contribucion den e desaroyo di deporte. Pa conclui, Minister Endy Croes ta felicita Kaylee- Sue cu e logro aki y ta dese'e hopi exito den su estudio y su proximo competencianan internacional. Aruba ta orguyoso di bo! Cu deseo, disciplina, determinacion y dedicacion ta logra.





## Prome Minister Evelyn Wever-Croes

# PARLAMENTO UNANIMAMENTE A SOSTENE E PRESUPUESTO PA 2024 DI RAAD VAN ADVIES

Diamars 10 di januari, Parlamento unanimamente a sostene e presupuesto pa 2024 di Raad van Advies. Raad Van Advies ta e conseho halto di Estado cu ta duna consehonan na Gobierno y Parlamento riba tur ley cu Gobierno kier pasa.

Prome Minister Evelyn Wever-Croes a duna di conoce cu ya desde 1 di Jan 2023 a cuminsa cu e proceso di independisacion di Raad van Advies. Esaki ta un di e metanan cu Prome Minister a propone pa Gobierno desde aña 2017. Pa realisa esaki, Prome Minister a instutui un Comision; Commissie versterking Democratische Bestel. Esaki ta un Comision pa fortifica nos fundeshi democratico y pa mira con nos por independisa e colegionan halto di estado asina evita cu e colegionan aki wordo strobe di traha dado caso un gobierno cu no kier coopera nan.

Prome Minister a duna un ehempel di esaki refiriendo na e instituto halto Algemene Rekenkamer (ARA), na unda cu durante e gobierno anterior tawata tin un miembro so den ARA y e gobierno di e tempo ey no tawata kier a nombra mas miembro sabiendo cu un miembro so no por saca niun rapport.

Una vez Gabinete Wever Croes 1 a sinta a nombra tur e miembronan y asina a cuminsa saca tur rapport un tras di otro. Asina aki tambe e rapport di 'Bo Aruba' a sali na cla den cua a indica cu 1.6 Milliard Florin a wordo gasta sin a wordo administra debidamente. Esaki ta un ehempel cla cu ora cu un gobierno, esun di Mike Eman, no kier pa cosnan asina sali na cla durante su gobernacion of prome cu eleccion, e ta zorg pa no tin nombra miembronan den Algemene Reken Kamer pa asina e rapport aki no sali.

"Nos a compromete nos

mes cu pueblo di Aruba cu nos ta bay tin un bon gobernacion y den un bon gobernacion tin bon 'checks and balances', dus bon control. P'esey Algemene Rekenkamer, Parlamento y Raad Van Advies mester independisa. Esey ta e tarea di e comision menciona. Nos a cuminsa cu Raad Van Advies y aña pasa tawata nan prome aña di nan independisacion", Prome Minister a remarca.

Durante e reunion di Parlamento, Prome Minister a duna un update indicando cu Raad van Advies ta completamente independiente. E nombracion di miembronan den Raad Van Advies no ta algo cu e Gobierno por influencia. E ta un proposicion cu ta bin di Raad van Advies mes. Solamente si Gobierno tin motibonan hopi pisa y valido y por pone esaki por escrito, e ora por desvia di e proposishon di Raad van Advies. Pa locual ta trata e presidente di Raad



van Advies, Gobierno no tin niun forma ni posibilidad pa desvia di e proposicion di Raad van Advies. Pa loke ta trata e Secretaris di Raad van Advies, tampoco Gobierno ta esun cu ta nombre mas sino e Presidente di Raad Van Advies ta haci esaki. Tambe tur loke ta trata personal, ta bay na un forma independiente y no mas door di Gobierno. Asina garantizando cu Raad Van Advies por funciona como un instituto independiente y semper cla pa duna e consehonan sin influencianan di Gobierno of politica.


Prome Minister a termina bisando: "Esey tawata nos compromiso y nos a logre. Awe Parlamento a aproba e Presupuesto 2024 pa Raad Van Advies pa nan continua.

Nos ta spera cu pronto tambe Algemene Rekenkamer y Parlamento di Aruba ta wordo independisa. Asina nan ta haya fondo di Gobierno pero Gobierno no ta esun cu ta dicidi ken ta traha na unda, ken ta bira miembro di cua Raad etc. y asina ta garantisa un obhetividad cu mester den tur e consehonan aki."

## DAMA A KEDA DETENI DESPUES DI A AGREDI SU CASA CU UN AMANTE CU TABATA DEN ACCION RIBA SU CAMA NA SU CAS

Dialuna anochi a drenta informe di un bringamento formal na un cas na Madiki, mesora a dirigi patruyanan na e sitio.


Na yegada di e patruyanan a bin compronde cu aki ta trata di un caso unda un dama a yega su cas y a haya su casa den accion cu un amante y mesora a cuminsa agredi ambos y a start un boroto formal te cu bisiñanan a bati alarma. Mirando e situacion polis a detene e dama pa agresion y a bay cun'e pa warda si polis.





# 10 DETENCION A CAY PA CU E TIK TOK CHALLENGE DI HORTA AUTO KIA

DOÑONAN DI AUTO KIA MODELO RIO PONE EXTRA ATENCION.



Den ultimo luna Cuerpo Policial Aruba ta constata cu tin basta hortamento of intento pa horta autonan specialmente marca KIA modelo Rio. KPA a tuma nota tambe cu malechornan ta purba di horta e KIA modelo Sportage como tambe KIA modelo Picanto purbando e mesun Modus Operandi. Esaki ta un fenomeno cu a cuminsa na Aruba ora grupo di hobennan a cuminsa haci e "TikTok challenge".

Door di uza un usb cable charger di telefoon nan ta

start e auto encuestion. E sospechoso ta graba su mes haciendo e acto aki pa despues post e riba TikTok.

Ta asina cu departamento di Team Motorvoertuigen Criminaliteit (TMC) kier concientisa esnan cu tin e auto menciona pa pone mas atencion y precaucion pa evita cu e auto ta wordo horta. Doñonan di e autonan por preveni door di pone alarma of tambe stuurklem.

Te cu awo e Team a detene por lo menos 10 sospechoso

relaciona cu e casonan di joyriding di autonan Kia modelo Rio. E edad di persona deteni ta cuminsa for di 14 aña pa 21 aña.

Polis tin atencion pa cu e fenomeno aki y ta avisa pa tur persona cu tin pensa di haci esaki, cu bo chens ta grandi di wordo gara y

deteni como consecuencia cu bo lo hayabo ta bay cera. Corda esaki ta un delito y tin castigo riba dje.

Mayornan di e sospechosonan menor di edad mester corda cu nan ta por wordo pone responsabel pa e gastonan di e daño haci na e auto como tambe daño na

tercero.

Mayornan papia cu boso yiunan y splicanan e consecuencia cu e "Tik tok challenge" tin. NO ta solamente e yuinan ta bay cera pero pero cu abo como mayor ta wordo poni responsabel pa tur gasto involvi!

**Ernesto Bermudez**  
-DENTAL SOLUTIONS-

**Craft Your Unique Smile**  
**PERFECT DESIGNS AWAIT**  
**Boost your confidence now**

**Public Figure: Gil Croes**

**FREE CONSULTATION**

+297 585 3255  
+297 592 9398

DENTAL SOLUTIONS ARUBA



# PROBLEMA: SMAC TA EXIGI Y STICHTING MUSICA TA NENGA ROTUNDAMENTE PA PAGA 25 MIL PA FESTIVAL DI CALYPSO & SOCA

For di algun siman pasa SOLO DI PUEBLO ta siguiendo un desaroyo entre Stichting Musica y SMAC, unda entre e dos fundacionnan aki tin un problema di placa.

E confirmacion a drenta cu e problema ta sinta pa un suma di 25 mil florin cu Smac por medio di su presidente Daren Van Ommeren ta exige di Musica, indicando cu Musica mester paga SMAC.

Di otro banda Stichting Musica a nenga rotundamente di paga 25 mil y a ta para riba e desicion definitivo cu Musica no ta paga SMAC 25 mil florin.

Arma di presion a cay na awa?

Pa hopi aña e organisacionnan di Carnaval tabata tin un convenio cu Gobierno, cu tur evento carnavaleso, mester pasa via SMAC, (anteriormente SAC) pa un aprobacion, enbista cu

SMAC lo ta e "alegemene vergunning houder" pa eventonan di carnaval.

Cu e poder aki, SMAC (y SAC) tabata por a exige loke cu nan desea, pasobra sin nan, lo no tin permiso pa evento carnavalesco.

Ta parce cu e aña aki, e situacion a dal un buelta, ora cu Gobierno a bay over na otorga Musica e permiso directamente, sin pasa via SMAC y sin previo aprobacion di SMAC. Pues, e arma principal di SMAC awor parce cu a cay na awa, pasobra Stichting Musica no a perde oportunidad di te hasta a saca potret na warda di polis, indicando cu nan a haya permiso.

Ta desaroyonan di cambio, cu loke no tabata por antes, awor si ta posibel.

Antes no ta corda cu presidente di SAC, Sr. Milo Croes a bisa cu nan a crea e festivalnan aki pa asina haya fondo pa draai carnaval. Den tempo di



Milo Croes (dfm), ta SAC so tin permiso y tur hende cu kier organisa algo, mester acudi na SAC pa djey bay polis. E poder aki tabata pa garantiza cu tin un carnaval bon organisa y un fundacion cu ta monitor tur fecha, etc. etc.

Parce cu e poder aki awor a cay na awa y cu ya no ta manera antes, pues tur organisacion no mester acudi mas na SMAC,

pasobra SMAC no ta dispone di e mes poder di antes cu SAC tabatin, o sea cu Gobierno no ta sigui cu e acuerdo aki.

Cu e permiso di man, Stichting Musica ta sinti cu nan no mester duna ningun hende placa y tampoco SMAC por exige 25 mil, di cual ya caba nan a dicidi cu nan lo no bay paga SMAC 25 mil, lagando SMAC lomba

contra muraya, pasobra SMAC no ta vergunning houder mas di e festival. Asina tambe Carnaval ta perde un fuente di recauda fondo pa draai carnaval.

Ta intresante pa mira ta kico lo bini afor di e pelea aki entre SMAC y MUSICA. Di otro banda MUSICA a anuncia di lo cumenza bende nan ticketnan y lo sigui trankilamente cu nan organisacion di festival.

## ACCIDENTE PA FALTA DI PREFERENCIA, UN DI E CHAUFFEURNAN NO TIN RIJBEDIJ



Diaranson mainta a drenta informe di un accidente na e crusada Franklinstraat

cu Fokkerstraat, mesora a dirigi un patrulla na e sitio. Na yegada di e patrulla

a bin compronde cu aki ta trata di un accidente unda cu un Hyundai Accent biniendo for di Franklinstraat no a para pa duna preferencia na e Toyota Corolla cu tabata bini den Fokkerstraat y nan a dal den otro. Afortunadamente ningun hende a resulta herida. E chauffeur di e Corolla no tin rijbewijs.





## Minister Dangui Oduber

# MINISTER DI TURISMO TA ORGUYOSO PA ANUNCIA CU TIN PROTECCION PA SANTO LARGO SU BEACHNAN



Minister di Turismo y Salud Publico sr. Dangui Oduber ta sumamente orguyoso pa anuncia cu a pone "boulders" barancanan grandi pa proteha e area di Santo Largo su beachnan na Savaneta for di vehiculonan motorisa of ATV's y UTV's.

Un proyecto sumamente importante cu lo bay yuda pa restaura e beachnan di Santo Largo cu antes no tabata tin ningun proteccion pa e

area aki, unda vehiculonan por a core ariba e beachnan cu awe nos por wak su efectonan. Den cuadro pa mehora nos calidad di nos beachnan nos tin cu percursa pa laga areanan limpi y evita vehiculo motorisa core ariba nos beachnan.

Finalmente, Minister Dangui Oduber ta sumamente orguyoso di proyecto aki y tin mas desaroyo den tramite cu ta demostra cu

e maneho ta pa sigui proteha nos beachnan y mehora nos producto Aruba.

Pa termina Minister Oduber kier informa e comunidad di Aruba pa ban sigui yuda den e parti di conscientisacion y proteccion di nos bunita beachnan rond di Aruba.

## Minister Geoffrey Wever

# TA UNI MAN PA REFORSA PRACTICANAN DI SOSTENIBILIDAD CU PARLAMENTO DI ARUBA

Minister di Economia, Comunicacion y Desaroyo Sostenibel, Sr. Geoffrey Wever, recientemente a reuni hunto cu presidente di Parlamento di Aruba, Sr. Edgard Vrolijk, riba e tema di sostenibilidad y eficiencia den Parlamento di Aruba. Como parti di e plan ambicioso, Plan di Accion Nacional pa Desaroyo Duradero & Inclusivo, 2023-2025, tin punto di Accion E5 cu ta stipula: "Mehoracion di Eficiencia di Awa y Energia den Edificionan di Gobierno".

Pronto lo inicia un cooperacion entre Parlamento di Aruba

y 'Association for Sustainable Development in the Caribbean' (ASDC). E meta principal ta pa cuminsa enfrenta un reto critico: e transicion social, economico y energetico cu mester tuma luga pa por logra un pais sostenibel y inclusivo.

"Nos ta orguyoso di por inicia cu e esfuerso aki cu hunto cu Parlamento di Aruba y ta gradici Presidente Sr. Edgard Vrolijk, cu no solamente ta reforsa e idea y practicanan di sostenibilidad di Aruba, door di 'lead by example', pero tambe ta subraya e potencial di cooperacion entre diferente gruponan den comunidad", segun

minister Geoffrey Wever.

E beneficiaran di un transicion pa Aruba:

**Spaar:** Metodonan pa spaar energia y awa lo spaar na gasto operacional, liberando recursonan financiero pa otro proyecto importante. **Sostenibilidad:** Ta reforsa nos posicion como lider regional den tereno di sostenibilidad y reduci nos marca ecologico. **Oportunidadnan Economico:** Estimulando uzo di tecnologia sostenibel ta stimula e 'sector di tecnologia berde' y crea oportunidadnan comercial nobo.

Den e mision aki pa



promove sostenibilidad, nos ta hopi contento cu por conta cu e cooperacion di Sr. Edgar Vrolijk, Presidente di Staten di Aruba, kende tambe ta un defensor y un 'early adopter' den tereno di desaroyo duradero. ASDC hunto cu Sr. Vrolijk lo

enfoca riba realiza 'quick wins', for di potencial pa uza energia renobabel, te cu otro practicanan sostenibel pa e edificio di Parlamento. E cooperacion aki ta subraya e potencia di esfuerso colectivo pa mehora nos comunidad y nos medio ambiente.



Minister Endy Croes:

## A INFORMA ARUBAANSE ATLETIEK BOND DI E AVANCENAN DI RENOBACION DI E ATLETIEKBAAN NA COMPLEHO DEPORTIVO GUILLERMO PROSPERO TRINIDAD NA DAKOTA

Recientemente, Minister di Enseñansa y Deporte Endy Croes a reuni cu e presidente Sr. Andre Angela di Arubaanse Atletiek Bond y e miembronan di directiva Sra. Safiera Schippers y Sra. Anecy Toussaint. Durante e reunion, a pidi informacion di e avancen di e atletiekbaan di e proyecto di renobacion di Compleho Deportivo Guillermo Prospero Trinidad na Dakota. Minister Endy Croes a indica cu si e proyecto cana segun planificacion, e trabou di renobacion lo ta finalisa pa maart binidero.

Pues, desde april en adelante Arubaanse

Atletiek Bond por inicia cu nan planificacion pa training of eventonan deportivo riba e atletiekbaan nobo na Compleho Deportivo Guillermo Prospero Trinidad. Ademá, Sr. Angela a splica cu tin algun atleta cu mester bay cualifica nan tempo pa por participa den e campeonato di Caribbean Free Trade Association (CARIFTA). En bista cu actualmente Aruba no tin un pista di atletiek, e atletanan tin cu bay na Curaçao e luna aki pa cualifica nan tempo, den cual e mandatario di Deporte a duna aporte pa cumpra nan pasashi. Fuera di esaki, Sr. Angela a indica cu e dak di e lokaal



na stadion cu ta uza pa timing system no ta den bon condicion.

Minister Endy Croes a garantisa cu esaki tambe lo ta renoba momento cu

finalisa e renobacion di e stadion. Tambe, nan a indica cu e timing system cu nan ta uza ta hopi bieu y Minister Endy Croes a pidi nan pa busca conseho na World Athletics pa evalua

ki tipo di timing system por haya mas moderno y asina Ministerio di Deporte por duna un contribucion tambe pa esaki.

## POSIBILIDAD PA BENTA DI CUMINDA, COS DUSHI Y ARTESANIA RIBA PLAZA BETICO CROES DURANTE MANIFESTACION CULTURAL DI 24 JANUARI 2024



Dia 24 di januari anochi Comision Celebracion Dianan Nacional ta organisa manifestacion cultural pa publico riba Plaza Libertador G.F. Betico Croes. Comision Celebracion Dianan Nacional ta preparando un bunita programa pa e anochi special aki riba plaza pa honra e memoria

di nos gran Libertador. Durante e manifestacion cultural, Minister di Cultura lo hiba un discurso na comunidad relaciona cu e dia nacional aki. Riba e anochi aki un programa ta wordo presenta riba escenario cu e.o. canto, baile, teatro di nos artistanan local. Riba plaza mes ta wordo

organisa un feria cu benta di cuminda, boca dushi y artesanía local.

Pa medio di e comunicado aki ta invita tur esnan cu ta desea pa huur un tent sea pa bende cuminda, cos dushi of artesanía riba Plaza Betico Croes pa tuma contacto cu Departamento di Cultura na telefoon 582-2185 pa sigura nan tent y ricibi tur informacion. Por contact parti mainta entre 8 or di mainta pa 11 or y mey y despues di merdia for di 1 or y mey pa 4 or di atardi. Tene na cuenta cu tur esnan cu lo bay bende cuminda mester tin nan caarchi berde valido y cu e tentnan ta limita.





# APA: A HABRI AÑA 2024 KIBRANDO RECORD DEN TURISMO CRUCERO

Aña 2024 a habri di un manera hopi positivo pa Aruba Ports Authority N.V. (APA). Den e prome siman tabatin dos first call. Un di nan tabata e Norwegian Cruise Line (NCL) - Viva cu ta e crucero di mas nobo den e flota di NCL. Norwegian Viva ta un crucero di clase superior di Norwegian Cruise Line. E ta e di dos di e seis barconan di e Project Leonardo-class ships. Norwegian a ricibi e barco riba dia 3 di augustus di aña 2023 y a realisa su inauguracion net un siman despues.

Norwegian Viva ta conta cu un itinerario di 9 dia (New Year's Cruise). E crucero, Norwegian Viva, a trece mas cu 3600 bishitante riba nos isla riba e di dos dia di aña. Norwegian Cruiselines ta e di tres compania crucero cu ta trece mas pasahero pa nos isla.

E di dos barco crucero cu a yega nos isla durante e prome siman di aña ta Royal Caribbean - Oasis of the Seas, cu ta forma parti di e Oasis Class ships. Oasis of the Seas ta un di e cruceronan di mas grandi cu ta den operacion na e momentonan aki. Riba dia 3 di januari, Oasis of the Seas a trece mas di 6700 bishitante pa Aruba, ta importante pa menciona cu esaki tabata un record pa APA y pa Aruba pa loke ta e cantidad di pasahero pa un solo barco di crucero.

Di e manera aki a kibra e record di su crucero ruman Symphony of the Seas cu den luna di november di aña 2023 a trece alrededor di 6500 bishitante riba nos isla. Oasis of the Seas tambe ta conta cu un itinerario di 9 dia (New Year's Cruise).

E delegacion di Aruba cual ta consisti di representantenan di Aruba Ports Authority N.V., Aruba Tourism Authority, Autoridad di Douane y Inmigracion y e barco su agencia local kende ta yama e barco su Capitan, tripulacion y pasaheronan bonbini y a haci

e acostumbrado intercambio di plakkaat pa conmemora e first call.

“Despues di a cera aña 2023 cu mas di 98% di recuperacion den pasahero compara cu 2019, APA ta hopi satisfecho cu e comienso di 2024 cu ta proyecta di ta un bon aña pa e industria di crucero di Aruba. E bishitanan inaugural di Norwegian Viva y Royal Caribbean Oasis of the Seas ta demostra cu e liñanan di crucero ta sigui deposita nan confiansa den Aruba”, di acuerdo cu e C.E.O di APA, Marc Figaroa.

APA ta sigui traha duro pa mantene un contacto estrecho cu e liñanan mas importante di crucero, pa sigura cu asina Aruba ta parti di nan itinerarionan. E rol di e industria di crucero ta importante pa nos isla, ya cu ta haci un contribucion significativa na e economia di nos isla.

## Tocante Norwegian Cruise Line

Norwegian Cruise Line (NCL), conoci tambe como “Norwegian”, ta un liña di crucero Mericano, funda na aña 1966 na Noruega, incorpora na Bermuda y cu su sede principal na Miami. E ta e di tres liña di crucero mas grandi na mundo, den cantidad di pasahero, controlando como 8.7% di e mercado mundial di industria crucero na aña 2018. E tin un entrada anual di 6.06 biyon Dollar Mericano y su doño ta Norwegian Cruise Line Holdings. Na tur e ta conta cu un flota di 18 crucero y tin cinco mas pidi cu ta den pleno construccion.

## Tocante Royal Caribbean Cruises

Royal Caribbean Group, cu antes tabata yama Royal Caribbean Cruises Ltd. ta un compania mundial, cu e compania madre estableci na Liberia pero cu su oficina principal na Miami, Florida. Nan ta e di dos compania di crucero mas grandi na mundo,



despues di Carnival Corporation. A funda e compania aki na aña 1968 y dos aña pasa nan tabata conta cu no menos di 85.000 empleado trahando directamente cu nan. Royal Caribbean Group lo introduci e luna aki e Icon class cu e barco Icon of the Seas cual lo bira e crucero di mas grandi di mundo y cu lo haci su prome biahe comercial dia 27 januari 2024.

## Tocante Aruba Ports Authority:

A funda Aruba Ports Authority N.V. na aña 1981. E compania ta pertenece 100% di Gobierno di Aruba y tin 80 trahado den servicio directo. Hunto ta maneha e dos wafnan di Aruba, pues tanto esun di crucero na Oranjestad como tambe esun di carga na Barcadera, unda nan tin un acuerdo di



operacion cu ASTEC. Pa aña ta yega mas o menos 330 crucero na Oranjestad y un otro 905 barco di carga na Barcadera (sin conta barkitos y launch services), prome cu e pandemia. E compania ta stabiel y ta bou maneho di Marc Figaroa.



# FORTALEZA PA FAMILIA.

Scirbi pa Pastor Marcel Balootje,

## NO CONFIA DEN RIKESA, SALBACION TA SOLAMENTE DEN CRISTO HESUS

Ora morto bati na porta di hende, pasobra pa tur hende lo yega e dia cu nan tin di muri, bo no por bay cu nada. (Hebreonan 9:27).

Awendia hopi ta kere mas den ciencia y tecnologia, cu nan ta kere den Dios, y esey ta un locura.

Pasobra aunke cuanto ciencia y tecnologia aumenta, semper tur decision tocante bida y morto lo

keda den man di Dios.

Hopi ta pone nan confianza den rikesa y ta pasa lo siguiente;

Rikesa ta trece independencia falso.

Rikesa ta mara hende na mundo.

Rikesa ta haci hende orguyoso.

Rikesa ta pone hende discrimina.

Rikesa ta pone hende menosprecia otro.

Rikesa ta pone hende rechasa Dios.

Rikesa ta pone hende tuma decision riba nan mes y no warda riba Dios. Rikesa por hiba hende na inmoralidad.

Rikesa por hiba hende na corrupcion.

Rikesa por hiba hende na impuresa.

Un hende por ta rico y ta stima Dios, basta e no pone su rikesa prome cu Dios.

Salbacion ta bini unica-

mente door di Cristo Hesus, placa no por cumpra salvacion, salvacion ta bini

ora un hende dicidi di kere den Cristo Hesus y entrega su bida na Cristo Hesus y asina su nomber lo wordo scirbi den e buki di bida.

Den Revelacion 20;15 ta para scirbi: Y si un hende su nomber no a wordo haña scirbi den e buki di bida, e lo wordo tira den e lago di candela.

E bida cu nos tur tin actualmente ta temporal, pesey nos mester tuma e decision di kere den Cristo Hesus y biba pa Cristo Hesus, pa nos tin bida eterna, pasobra esey ta nifica biba pa semper hunto cu Señor.

Ningun hende no por yega serca e Tata si no ta pa medio di e Yiu.


Hopi hende ta kere den nan posicion actual, den rikesa y den propiedad, pero nan ta lubida di arrepenti

y busca salvacion den Cristo Hesus, cual ta hopi importante, pasobra despues cu bo muri nada no por wordo haci pa bo.

Idolatria y tradicion a hiba hende na haci oracion pa defunto, pero ningun caminda den ningun bijbel ta para scirbi cu oracion pa defunto ta saca e defunto for di fierno hibe den cielo, y ta pesey tin hende ta muri bay cu e pensamiento ey y ta wordo decepciona.

Salbacion ta personal pa tur esnan cu ta kere den Cristo Hesus, no gaña boso mes, ningun hende por

wordo salba riba cuenta di otro. Tur hende mester duna nan propio cuenta na Dios. Ningun yiu no por



Sinceramente, Pastor Marcel Balootje.

biba for di boluntad di Dios, den pica di inmoralidad, e kere pasobra su mama ta sirbi Dios e lo drenta

cielo, cada ken mester arrepenti di curazon, confesa nan pica y kere den nos Señor Cristo Hesus.

Ni bo placa ni bo oro, tampoco bo titulo no por salbabo, Bijbel ta bisa lo siguiente den Efesonan 2;8-

9, Pasobra pa medio di gracia boso ta salba door di Fe, y esey no di boso mes, e ta don di Dios. No como resultado di obranan, pa ni un hende no gaba.

Cu si bo confesa cu bo boca Hesus como Señor y kere den bo curason cu Dios a lant'E for di e mortonan, lo bo ta salba. Pasobra cu curason hende ta kere pa haña husticia y cu boca e ta confesa pa haña salvacion, Pasobra escritura ta bisa ken cu kere den dj'E lo no keda bron-gosa. (Romanonan 10:9-10-11).

Dios den su inmenso amor no kier pa ningun bay perdi, pero pa tur yega na arrepentimento.

### ORACION DI DIA



#### Un feliz dia bendiciona colma cu hopi amor, fe y speransa den nos Bon Dios

Despues di un rato e cria a bisa su shon: 'Señor a cumpli cu bo ordo, ma toch a sobra luga!' (Lucas 14: 22)

Nos ta forma un solo curpa pa medio di nos union cu Cristo y nos ta uni mescos cu partinan di un solo curpa (Rom. 12: 5). E cria lo a haya duele ora prome invitadonan a nenga. Asina mes el a sigui cumpli cu ordo di su shon y aunke el a cumpli toch a sobra luga. Esaki ta muestra cu e ta persevera y cumpli cu zelo cu su shon y ta na paz. Nos tin cu traha pa, y sirbi Señor cu zelo (Rom. 12: 11). Pero, Señor tin mas luga, pues e capacidad pa invitadonan pa e reino di Dios ta surpasa e expectativa di cada un di nos. Hesus ta siña nos pa cumpli cu ordo di Tata. Aunke nos por pasa den tribulacion y perseverancia, oracion constantemente ta yuda paso e speransa cu nos tin lo haci nos contento (Rom. 12: 12). Paso cerca Señor nos ta na paz manera un yiu cerca su

mama (Salmo 131).

Oracion: Señor regala nos gracia pa nos compartidonnan conforme Bo boluntad y biba den harmonia cu otro. Amen.





# POLIS A DETENE 10 CABA, PERO TIN MAS AWE A HAYA OTRO KIA RIO CU NAN A PURBA BAY CUN'E



Diaranson mainta a dren-  
ta informe di un caso di  
destruccion na Washing-  
ton, mesora a dirigi un pa-  
truya na e sitio. Na yegada  
di e patruya a bin compro-  
nde cu aki ta trata un otro  
caso di intento di horta  
un Kia Rio unda e ladron-  
nan a kibra e bentana di  
chauffeur habri e porta  
kibra abao di e stuurwi-  
el pa asina nan por logra di  
bay cu e auto pero pa un of  
otro motibo no a logra bay  
cun'e. Den un comunicado  
policial a emiti cu ya caba  
polis tin 10 hoben entre  
nan menor di edad deteni



pa e tipo di ladronicianan  
aki. Pero esaki ta un indi-  
cacion cu tin hopi mas ai-  
nda pa piki. Lo ta bon pa  
e mayornan di e hobennan  
aki cuminsa tira bista pa



nan yiunan pasobra nan e dañonan causa.  
ta keda responsabel pa tur

LEY CU TA LIMITA UZO  
DI PRODUCTIONAN DI  
**TABACO**



PROTEHANDO  
**SALUD  
PUBLICO**

6

Ta prohibi pa bende of duna  
productionan di tabaco na  
personanan bou di 21 aña



HALA  
ROSEA  
LIBREMENTE



	3	8				2	4	
6			9		2			1
		4			8			6
4	7	1	2			3	5	
		5					1	
	8	3				6	7	
		6			1	5	2	9
		2					8	



# Chauffeur a kita pa un auto bay dal den otro y despues dal riba muraya



Dialuna anochi a drenta informe di un accidente cu hende herida na Shiribana, mesora a dirigi tanto polis como ambulans na e sitio. Na yegada di e patruya a bin compronde cu aki ta

trata di un accidente unda cu un Suzuki Swift a bay kita pa un auto cu a bira su dilanti y pa no dal den dje ela desvia pero ela bay dal den otro auto y despues bay termina riba un mu-

raya. Debi na e fuerte impacto ela resulta herida y e porta di su banda a keda pega y no por a sali for di eynan y a pidi e equipo di rescate di bombero pa bin corta e porta. Na yegada



di bombero no tabata necesario mas pa corta e porta ya cu e chauffeur logra schuif y sali for di e otro

porta. Ambulans a atende e victima y a transporte pa hospital.

## Cuerpo Policial Ta Informa

## A TOPA CU BOTO Y JERRYCAN NA ALTURA DI RINCON



Diaranson merdia pa 12:30 central di polis ta wordo notifica door di personal di KIA cu nan lo a señala un boto na altura di Rincon.

Ta despacha e patruya di polis di biaha na e sitio y na unda ta bin encontra enberdad cu un boto como tambe jerrycan.

A haci un control rond den e area pero te cu awo no a topa cu nada mas.

Cuerpo Policial ta haci un apelacion pa cu es cu sa algo of a mira algo por yama e tiplijn di polis cu ta 11141. Bo ta keda anonimo.

### PRONOSTICO DI TEMPO

VALIDO TE DIAHUEBS 11 DI JANUARI 2024, 18:00 ORA

#### TEMPO:

AWE TARDI Y AWE NOCHI: PARCIALMENTE NUBLA Y GENERALMENTE SECO

DEN MARDUGA Y MAYAN: PARCIALMENTE NUBLA CU UN AWACERO PASAJERO TE BREVE

#### AVISO/ ALERTA:

UN AVISO PA BOTO CHIKITO PA PARTINAN OOST TE NOORDWEST DI COSTA Y LAMA HABRI TA AWOR NA VIGOR TE DIAHUEBS 6 PM.

#### PRONOSTICO DI TEMPO PA PROXIMO 3 DIANAN:

PARCIALMENTE NUBLA CU UN AWACERO BREVE.

BIENTO LO TA FOR DI DIRECCION OOST Y MODERA

TE BASTA FUERTE, FUERTE TE POSIBLEMENTE DURO DEN RAFAGA;

TEMPERATURA (GRADO CELSIUS) MAX / MIN LO TA: 32 / 26



# Centro di Bario Noord



Recientemente e Grupo 60 + Flor di Bini Bini cu ta reuni na Centro di Bario Noord a reanuda nan encuentronan.

Pader Jairo Maduro a duna un discurso interesante y bendishon pa un Anja 2024 yen di salud. Miembronan a ricibi tambe e grupo di dande di Robert Maduro, nan a goza y baila y ta sumamente content cu e grupo a start bek. Grupo Flor di Bini Bini a wordo forma for di anja 1988 pa Sra

Filomena Tromp.

Un gradicimento grandi y especial pa Sra Tromp.



E actual coordinado di Bini Bini ta Sra Angelique y Sra Andrea.



**Clasificados**

SOLODIPUEBLO@GMAIL.COM  
CEL. 585 9500

**SOLO Di Pueblo**

**Ta Busca,  
Looking for  
"BOBCAT"  
CAT236B!  
Paga Cash or  
Transfer!  
Whatsapp  
5648009**

**Ta Busca,  
Looking for  
Excavator  
operator!  
Good Salary!  
Whatsapp  
5648009**



## Varios patruya a bay Nikky Beach pa un bringamento unda un homber na preto tabata tira botter



Diadomingo atardi a drenta informe di cu tin un bringamento na Nikky Beach, mesora a dirigi patruyanan cu urgencia na e sitio. Na yegada di e patruya a bin compronde cu e homber a subi den un auto blanco y a bay for di e sitio.

## Polis a bay Mahuma pa un dama cu cacho a morde riba bais

Diadomingo anochi a drenta informe di cu un cacho a morde un dama cu tabata core bicicleta na

Mahuma, mesora a dirigi un patruya na e sitio. Na yegada di e patruya na

e sitio polis no a logra haya e dama y a tira bista rond wak si por mira e dama of e cacho pero sin resultado.



## Polis a bay na un apartamento na Hooiberg pa un caso di maltrato y menasa entre un pareha




Dialuna mainta a drenta informe di un caso di maltrato cu menasa entre un pareha.

Mesora a dirigi un patruya

na e sitio, na yegada di e patruya a bin atende cu e caso aki y a splica con pa nan cana den e caso pa asina evita violencia y menasa.



# Toyota Yaris color di oro procedente di ladronicia a ser laga patras di un cas den construccion na Madiki



Diamars mainta a drenta informe di personanan cu ta construyendo un cas na Madiki cu desconocidonan a laga e Toyota Yaris scondi patras di e cas, mesora a dirigi un patruya na e sitio. Na yegada di e patruya a bin topa cu e Toyota Yaris color di oro A70017 cual bao su stuur-wiel e switch pa start e ta kibra dunando indicacion cu e auto ta procedente di ladronicia. Mesora a confisca e vehiculo aki y a solicita un takelwagen pa hib'e pa haci investigacion.







**BRIYANDO FUERTE • TRECIENDO CLARIDAD**

*Di Pueblo*

**Tipline: 585 9500**

e-mial: [solodipueblo@gmail.com](mailto:solodipueblo@gmail.com)

 Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 10 Jan 2024 Merdia		
<b>CAT &amp; CHI</b> Sorteo # 4148 <b>2303</b> <b>9504</b> <b>7893</b> <b>MULTI X</b> <b>FP</b> <b>BIG 4</b> Sorteo # 4148 <b>4279</b>	<b>LOTTO 5</b> Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot <b>260.000,-</b>
<b>LOTTO DIA</b> Sorteo # 0 x Jackpot 0 x Match 4 0 x Afl. 8,00	Proximo Jackpot <b>63.000,-</b>	
<b>MEGA</b> Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot <b>360.000,-</b>	
<b>MEGA PLUS</b> <b>Afl. 460.000,-</b>		
<b>LUCKY 3</b> Sorteo # 1022 <b>461</b> <b>MULTI X</b> <b>X3</b>	Sorteo #	

 Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 09 Jan 2024 Anochi		
<b>CAT &amp; CHI</b> Sorteo # 8141 <b>4847</b> <b>1284</b> <b>6481</b> <b>MULTI X</b> <b>X2</b> <b>BIG 4</b> Sorteo # 7185 <b>3195</b> <b>OFF</b> Sorteo # 1890 <b>1151</b> <b>ZODIAC</b> Sorteo # 5944 <b>2882</b> <b>Libra</b> <b>LUCKY 3</b> Sorteo # 874 <b>797</b> <b>MULTI X</b> <b>FP</b>	<b>LOTTO 5</b> Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot <b>260.000,-</b>
<b>LOTTO DIA</b> Sorteo # 6353 0 x Jackpot 6 x Match 4 144 x Afl. 8,00	Proximo Jackpot <b>63.000,-</b>	
<b>MEGA</b> Sorteo # 1626 0 x Jackpot 1 x match 4 25 x Afl. 500,00 45 x Afl. 50,00 81 x Afl. 15,00	Mega Ball 04 Proximo Jackpot <b>360.000,-</b>	
<b>MEGA PLUS</b> <b>Afl. 460.000,-</b>		
Sorteo #		



## A18711 a dal fuertemente tras di un auto y a sigi core bay pero plachi number a keda atras



Diaranson madruga a drenta informe di un accidente na e crusada di Mondí Fierno, mesora a dirigi un patrúya na e sitio. Na yegada di e patrúya a bin compronde cu e auto cu e plachi number A18711 a bay dal fuertemente tras di un Suzuki Ignis mand'e un bon distancia dilanti y



despues e auto a bay for di e sitio. Afortunadamente ningun hende a resulta herida. Ademas e plachi number di e auto cu a dal

y bay a keda atras y departamento di polis di tráfico lo bay busca e chauffeur aki.

## Accidente riba caminda principal na Cura Cabay



Diamars mainta a drenta informe di un accidente riba e caminda principal di Cura Cabay, mesora a dirigi un patrúya na e sitio. Na yegada di e patrúya a bin compronde cu aki ta

trata di un accidente unda cu e chauffeur di un Nissan Cube no a regula su velocidad ni mantene distancia a bay dal tras di un Suzuki Celerio. Afortunadamente ningun hende a

resulta herida.

**PUEBLO A HAÑA SU  
PEN BEK**

Pa kualkier informacion  
solodipueblo@gmail.com  
of  
☎ 585-9500



*Obituario*

Publica serka nos anuncio di fayecimento di bo ser keri.

Nos tin 2 pakete pa ofrece;

Pakete 1: Anuncio di fayecimento te dia cu e defunto  
ser dera

Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto  
ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 AFI 400,00

Pa mas informashon por tuma contacto cu oficina na  
585-9500 of na 741-4554